

**KANTONALNI OPERATIVNI PLAN ODBRANE OD POPLAVA  
- KOP BPK GORAŽDE**

(KNJIGA 1.)

Na osnovu člana 92. Zakona o vodama ("Službene novine Federacije BiH", broj 70/06), člana 38. i 39. Zakona o vodama („Službene novine Bosansko-podrinjskog kantona Goražde“, broj 6/10) i odredbi Uredbe o vrstama i sadržaju planova zaštite od štetnog djelovanja voda ("Službene novine Federacije BiH", broj 26/09), kantonalni ministar - Ministarstvo za privredu Bosansko-podrinjskog kantona Goražde donosi

## **KANTONALNI OPERATIVNI PLAN ODBRANE OD POPLAVA - KOP BPK GORAŽDE**

Kantonalnim operativnim planom odbrane od poplava (u daljnjem tekstu: KOP) utvrđuje se provođenje mjera aktivne odbrane od poplava i leda, u vrijeme neposredne opasnosti od pojave velikih (poplavnih) voda, u vrijeme trajanja poplava i otklanjanja posljedica poplava na vodotocima II kategorije, na području Bosansko-podrinjskog kantona Goražde (u daljem tekstu: BPK Goražde).

Federalnim operativnim planom odbrane od poplava (u daljem tekstu: FOP) („Službene novine FBiH“, broj: 7/11) je utvrđeno provođenje mjera aktivne odbrane od poplava i leda, u vrijeme neposredne opasnosti od pojave velikih (poplavnih) voda, u vrijeme trajanja poplava i otklanjanja posljedica poplava, na vodnom području rijeke Save uz površinske vode I. kategorije, pri čemu su vode I kategorije na području BPK Goražde, vodotok: Drina, dok svi ostali vodotoci na području BPK Goražde spadaju u vodotoke II. kategorije.

|   |  |
|---|--|
| <b>1. Organizacija aktivne odbrane od poplava</b>   |  |
| 1.1. Nosioци i organizatori odbrane od poplava prema članu 22. stav 4. Uredbe o vrstama i sadržaju planova zaštite od štetnog djelovanja voda (u daljem tekstu: Uredba) |  |
| Vodno područje sliva rijeke Save – za vodotoke II kategorije na području BPK Goražde  | Ministarstvo za privredu BPK Goražde (u daljem tekstu: Ministarstvo)<br>Maršala Tita 13, 73 000 Goražde<br>Bosna i Hercegovina<br>tel: +387 38 221 772,<br>fax: +387 38 240 400,<br><br><b><a href="http://www.mp.bpkg.gov.ba">www.mp.bpkg.gov.ba</a></b><br><br>E-mail: <a href="mailto:privreda@bpkg.gov.ba">privreda@bpkg.gov.ba</a><br><br>Ministar: DEMIR IMAMOVIĆ, dipl.ecc.<br>e-mail: <a href="mailto:demir.imamovic@bpkg.gov.ba">demir.imamovic@bpkg.gov.ba</a> |

|  |   |
|--|---|
|  | <p>Općinski načelnici općina: Goražda, Foča-Ustikolina, Pale-Prača , svaki na području svoje općine<br/>Imena i kontakt telefoni općinskih načelnika:</p> <ul style="list-style-type: none"> <li>➤ Goražde:</li> </ul> <p>Načelnik Muhamed Ramović<br/>tel. 038 221 002; fax: 038 222332<br/>E-mail:infopult@gorazde.ba</p> <ul style="list-style-type: none"> <li>➤ Foča-Ustikolina</li> </ul> <p>Načelnik Zijad Kunovac;<br/>tel. 038 519 400; fax: 038 519 402<br/>E-mail:op.ustik@bih.net.ba<br/>www.foca-ustikolina.ba</p> <ul style="list-style-type: none"> <li>➤ Pale-Prača</li> </ul> <p>Načelnik Asim Zec<br/>tel. 038 799 100; fax: 038 479 112<br/>E-mail:praca@bih.net.ba<br/>www.praca.ba</p> |
| <p>1.2. Glavni rukovodioci odbrane od poplava prema članu 22. stav 5. Uredbe</p> | <p>Ministar Ministarstva za privredu BPK Goražde<br/>tel: +387 38 221 772,<br/>fax: +387 38 240 400,</p> <p><b>www.mp.bpkg.gov.ba</b></p> <p>E-mail: <a href="mailto:privreda@bpkg.gov.ba">privreda@bpkg.gov.ba</a></p> <p>Ministar: DEMIR IMAMOVIĆ, dipl.ecc.<br/>e-mail: demir.imamovic@bpkg.gov.ba</p> <p>Općinski načelnici općina Kantona:<br/>općina: Goražda, Foča-Ustikolina, Pale-Prača , svaki na području svoje općine.</p> <p>Imena i kontakt telefoni općinskih načelnika:</p> <ul style="list-style-type: none"> <li>➤ Goražde:</li> </ul> <p>Načelnik Muhamed Ramović<br/>tel. 038 221 002; fax: 038 222332</p>  |

|   |  |
|---|--|
|   | <p>mob: 061 481 999<br/>E-mail:infopult@gorazde.ba</p> <p>➤ Foča-Ustikolina:</p> <p>Načelnik Zijad Kunovac<br/>tel. 038 519 400; fax: 038 519 402<br/>mob: 061 481 866<br/>E-mail:op.ustik@bih.net.ba<br/>www.foca-ustikolina.ba</p> <p>➤ Pale-Prača:</p> <p>Načelnik Asim Zec<br/>tel. 038 799 100; fax: 038 799 112<br/>mob: 061 142 071<br/>E-mail:praca@bih.net.ba<br/><a href="http://www.praca.ba">www.praca.ba</a></p>  |
| <p>1.3. Rukovodioci odbrane od poplava, podaci o pravnim i fizičkim licima zaduženim za provođenje aktivne odbrane od poplava prema članu 22. stav. 4., a u vezi sa članom 23. Uredbe</p> | <p>Imena rukovodilaca odbrane od poplava i podaci o pravnim i fizičkim licima zaduženim za odbranu od poplava i leda po pojedinim poplavnim područjima u općinama na području BPK Goražde, nalaze se u tehničkim prilogima KOP-a i dostupni su na web stranici Ministarstva:<br/><b><a href="http://www.mp.bpkg.gov.ba">www.mp.bpkg.gov.ba</a></b><br/>E-mail: privreda@bpkg.gov.ba</p>  |
| <p>1.4. Podaci o nosiocu provođenja mjera zaštite i spašavanja ljudi i materijalnih dobara od prirodnih i drugih nesreća</p>  | <p>Kantonalna Uprava civilne zaštite</p> <p>Adresa: ul. 1. Slavne višegradske brigade 2a, 73000 Goražde, BiH<br/>Tel: 038 224 027<br/>Fax: 038 228 729<br/>Direktor: Ramo Živojević<br/>mob: 061/481 822<br/>Centar za osmatranje i uzbuđivanje pri kantonalnoj Upravi civilne zaštite<br/>tel: 038 228 729 ili 121</p> <p>E-mail: <a href="mailto:centar121@bih.net.ba">centar121@bih.net.ba</a><br/>Operativni centar 121</p> <p>Općine:</p> <p>➤ Goražde:<br/>Kontakt osoba: Fadil Salković,<br/>VD šefa Službe za civilnu zaštitu i MZ; tel/fax:038 228 651;</p> |

|   |  |
|---|--|
|   | <p>mob: 062 425 242<br/>E-mail: civilnazastita@gorazde.ba</p> <ul style="list-style-type: none"> <li>➤ Foča-Ustikolina<br/>Služba Civilne zaštite<br/>kontakt osoba: Ermin Osmanspahić<br/>tel: 038 518 108;<br/>mob: 062 119 362<br/>fax: 038 519 402<br/>E-mail: ermin_cz@hotmail.com</li> <li>➤ Pale-Prača<br/>Služba za civilnu zaštitu<br/>kontakt osoba: Munir Radača<br/>Tel:038 799 100;<br/>mob: 062 279 476<br/>E-mail:praca@bih.net.ba<br/>www.praca.ba</li> </ul> <p>Kontakt osobe i telefoni općinskih operativnih centara nalaze se i u prilogu KOP-a, a dostupni su na web stranici Kantonalne uprave civilne zaštite <a href="http://www.cz.bpk.ba">www.cz.bpk.ba</a><br/>e-mail: info@bpkg.gov.ba</p> |
| 1.5. Organizacija zadužena za osmatranje hidroloških i meteoroloških podataka prema članu 29. Uredbe                                | Federalni hidrometeorološki zavod<br>Ul. Bardakčije br. 12<br>tel: 033 276-734, faks: 033 276-701  |
| <b>2. Obaveze, prava i odgovornosti učesnika u provođenju aktivne odbrane od poplava</b>  |  |
| 2.1. Obaveza i odgovornosti Ministarstva i općinskih načelnika prema članovima 22., 23., 24., 31., 36, 37.,38., i članu 43. Uredbe: | 2.1.1. U provođenju aktivne odbrane od poplava Ministarstvo u saradnji sa općinskim načelnicima je obavezno i odgovorno da: <ul style="list-style-type: none"> <li>❖ organizuje provođenje mjera aktivne odbrane od poplava i leda iz nadležnosti BPK Goražde;</li> <li>❖ nalaže općinskim načelnicima angažovanje ovlaštenih pravna lica osnovanih za obavljanje komunalnih djelatnosti, kao i po potrebi drugih pravnih lica za redovno i pojačano održavanje pojedinih dionica vodotoka na poplavnim područjima;</li> <li>❖ organizuje redoviti pregled stanja ispravnosti tehničke opreme i zaštitnih vodnih objekata, čuvanje opreme i materijala u odbrambenim centrima ili</li> </ul>                           |

|  |  |
|--|--|
|  | <p>posebnim skladištima;</p> <ul style="list-style-type: none"> <li>❖ predlaže izmjene i dopune KOP-a u skladu sa ukazanim potrebama;</li> <li>❖ priprema kompletne izvještaje koji sadrže opće podatke o vodotocima, područja zahvaćena poplavama, pregled provedenih mjera odbrane od poplava, troškove odbrane od poplava, utrošena sredstva, poplavljena područja, procijenjenu štetu na zaštitnim vodnim objektima i vodotocima iz nadležnosti BPK Goražde, kao i druge podatke specifične za pojedina poplavna područja koje dostavlja Vladi BPK Goražde i Kantonalnoj Upravi civilne zaštite;</li> <li>❖ po prestanku aktivne odbrane od poplava, prikupljaju podatke od općina o izvršenim radovima, utrošenom materijalu, troškovima odbrane od poplava i nastalim štetama na vodotocima II kategorije;</li> <li>❖ vrši popunu opreme i materijala za svoje potrebe kao i potrebe angažovanih pravnih lica zaduženih za provođenje mjera aktivne odbrane od poplava;</li> <li>❖ planira održavanje i dopunjavanje sistema veza za sve nivoe rukovođenja mjerama aktivne odbrane od poplava, te povezivanje vlastitog sistema veza sa drugim učesnicima (Agencija za vodno područje sliva rijeke Save, operativni centar civilne zaštite BPK Goražde, Federalni hidrometeorološki zavod i dr.).</li> </ul> <p>2.1.2. U provođenju aktivne odbrane od poplava Općinski Načelnici, svaki na području svoje općine je obavezan i odgovoran da:</p> <ul style="list-style-type: none"> <li>❖ po nalogu Ministarstva angažuje ovlaštena pravna lica osnovana za obavljanje komunalnih djelatnosti i njihove mehanizacije, kao i po potrebi, uz dozvolu<sup>1</sup> Ministarstva, angažovanje i drugih pravnih lica, za</li> </ul> |
|--|--|

<sup>1</sup> radi se, zbog urgentnosti, o usmenoj dozvoli, koja će se naknadno dokumentovati pisanim nalogom radi nadoknade troškova

|   |   |
|---|---|
|   | <p>redovno i pojačano održavanje pojedinih dionica vodotoka na poplavnim područjima;</p> <ul style="list-style-type: none"> <li>❖ pripremaju godišnje izvještaje o poplavama i provedenim aktivnostima na odbrani od poplava i leda na području svoje Općine, sa ocjenom učinkovitosti, koje dostavlja Ministarstvu</li> <li>❖ po prestanku aktivne odbrane od poplava, dostavljaju Ministarstvu podatke o izvršenim radovima, utrošenom materijalu, troškovima odbrane od poplava i nastalim štetama na vodotocima II kategorije na području dotične općine;</li> <li>❖ vrše redovan pregled stanja uređenosti riječnih korita radi obezbjeđenja kontrolisanog i neškodljivog protoka velikih voda na poplavnim područjima uz površinske vode II kategorije;</li> </ul>  |
| <p>2.2. Dužnosti, ovlaštenja i odgovornosti Glavnog rukovodioca odbrane od poplava i Općinskih Načelnika, odnosno zamjenika Glavnog rukovodioca odbrane od poplava prema članovima 31., 33. , 35.i 36. Uredbe</p> | <p>2.2.1.U provođenju aktivne odbrane od poplava Glavni rukovodilac odbrane od poplava za vodno područje za koje je nadležan, ima slijedeće dužnosti, ovlaštenja i odgovornosti:</p> <ul style="list-style-type: none"> <li>❖ donosi rješenje o proglašenju prestanka redovne i vanredne odbrane od poplava i odbrane od leda po pojedinim poplavnim područjima na teritoriji Kantona, na bazi podataka o vodostajima pri kojima se donose navedena rješenja</li> <li>❖ odobrava i naređuje licima zaduženim za provođenje aktivne odbrane od poplava iz tačke 2.1.2. ovog KOP-a izvođenje hitnih (interventnih) radova na vodotocima na poplavnom području za koje su angažovani;</li> <li>❖ nadzire blagovremenu pripremu akata i odluka, te planova ostalih učesnika u skladu sa odredbama ovog KOP-a;</li> <li>❖ obezbjeđuje uslove za izvršavanje zadataka ostalih rukovodilaca odbrane od poplava utvrđenih ovim KOP-om;</li> <li>❖ usklađuje aktivnosti kada se odbrana</li> </ul> |

|  |   |
|--|---|
|  | <p>od poplava provodi istovremeno na više poplavnih područja;</p> <ul style="list-style-type: none"> <li>❖ donosi odluke o uključivanju ljudi i sredstava pravnog/pravnih lica iz tačke 2.1.2. ovog KOP-a sa jednog na drugo poplavno područje (ako je to potrebno);</li> <li>❖ pri opasnosti od poplava velikih razmjera, traži uključivanje u provedbu odbrane od poplava jedinica civilne zaštite i njihovih materijalnih sredstava;</li> <li>❖ direktno sarađuje sa Federalnim ministarstvom poljoprivrede, vodoprivrede i šumarstva i Agencijom za vodno područje sliva rijeke Save u provođenju ovog KOP-a, a u vezi sa provođenjem FOP-a;</li> </ul> <p>2.2.2.U provođenju aktivne odbrane od poplava Općinski Načelnici na svom području imaju slijedeće dužnosti, ovlaštenja i odgovornosti:</p> <ul style="list-style-type: none"> <li>❖ obezbjeđuje uslove za izvršavanje zadataka Glavnog rukovodioca odbrane od poplava prema ovom KOP-u;</li> <li>❖ obezbjeđuje uslove za blagovremeno izvršavanje i sprovođenje aktivnosti i mjera odbrane od poplava i nadzire njihovo izvršavanje;</li> <li>❖ dužno je da imenuje rukovodioca odbrane od poplava za poplavno područje iz reda pravnih lica angažovanih za provođenje mjera aktivne odbrane od poplava kao i njegovog zamjenika, te po potrebi sektorske i rukovodioca odbrane od poplava po dionicama;</li> <li>❖ donosi odluke o uključivanju ljudi i sredstava pravnog/pravnih lica iz tačke 2.1.2. ovog KOP-a, u skladu sa ovim KOP-om;</li> <li>❖ pri opasnosti od poplava velikih razmjera, putem Ministarstva, traži uključivanje u provedbu odbrane od poplava jedinica civilne zaštite i njihovih materijalnih sredstava;</li> <li>❖ direktno sarađuje Ministarstvom u vezi sa provođenjem KOP-a;</li> </ul> |
|--|---|



|  |  |
|--|--|
| <p>2.3. Obaveze i odgovornosti pravnog lica angažovanog za provođenje mjera aktivne odbrane od poplava (pravno lice iz tačke 2.1.2. ovog KOP-a) prema članu 25. Uredbe</p> | <p>Pravno lice angažovano od strane Općinskih Načelnika obavezno je i odgovorno da:</p> <ul style="list-style-type: none"> <li>❖ provodi pripreme radnje na održavanju vodotoka i vodnog dobra na poplavnom području, uklanjanje nanosa, djelimično produbljivanje dna korita u skladu sa ovim KOP-om;</li> <li>❖ tokom aktivne odbrane od poplava obavlja potrebne radnje i izvodi radove na zaštitnim vodnim objektima u skladu sa KOP –om, i to: obezbjeđenje nesmetanog režima tečenja ispod i oko mostova, a po naredbi glavnog rukovodioca odbrane od poplava;</li> <li>❖ sve radnje i aktivnosti se moraju izvoditi na način koji ne utiče na pogoršanje karakteristika režima voda i bitno ne remeti prirodnu ravnotežu vodnih i priobalnih ekosistema;</li> <li>❖ ako je to potrebno, dužno je staviti na raspolaganje sva svoja sredstva rada i zaposlenike za sprovođenje mjera aktivne odbrane od poplava na poplavnom području za koje je angažovano;</li> <li>❖ uključuje svoja sredstva rada i zaposlenike za provođenje mjera aktivne odbrane od poplava i na drugim poplavnim područjima u slučaju njihove veće ugroženosti od poplava, a po odluci glavnog rukovodioca odbrane od poplava;</li> <li>❖ dužno je da imenuje rukovodioca odbrane od poplava za poplavno područje za koje je angažovano kao i njegovog zamjenika, te sektorske i rukovodioce odbrane od poplava po dionicama;</li> </ul> |
| <p>2.4. Obaveze i odgovornosti rukovodioca odbrane od poplava, odnosno zamjenika rukovodioca odbrane od poplava iz tačke 2.3. ovog KOP-a, prema čl. 34.i 35. Uredbe</p>    | <p>U provođenju aktivne odbrane od poplava rukovodilac, odnosno zamjenik rukovodioca odbrane od poplava, ima obaveze i odgovornosti da:</p> <ul style="list-style-type: none"> <li>❖ rukovodi i usklađuje aktivnosti na provođenju mjera odbrane od poplava po pojedinim sektorima i dionicama unutar poplavnog područja za koje je</li> </ul>   |

|   |  |
|---|--|
|   | <p>angažovan;</p> <ul style="list-style-type: none"> <li>❖ predlaže glavnom rukovodiocu odbrane od poplava, putem općinskog Načelnika, uvođenje i prestanak mjera redovne i vanredne odbrane od poplava na poplavnom području na kojem je angažovan;</li> <li>❖ donosi odluke o radu rukovodioca sektora i dionica i centara odbrane od poplava na poplavnom području za koje je angažovan, o potrebi angažovanja ljudi i sredstava sa jednog sektora na drugi;</li> <li>❖ donosi odluke o rukovanju mehanizacijom angažovanom za aktivnu odbranu od poplava, o radu rukovodioca sektora i dionica, o potrebi angažovanja ljudi i sredstava sa jednog sektora na drugi;</li> <li>❖ predlaže nadležnim organima ograničenja cestovnog, i željezničkog prometa na području na kojem je angažovan;</li> <li>❖ podnosi dnevne izvještaje o stanju na poplavnom području za koje je angažovan glavnom rukovodiocu odbrane od poplava, putem Načelnika općine;</li> <li>❖ nakon prestanka faze aktivne odbrane od poplava, u što kraćem roku podnosi glavnom rukovodiocu odbrane od poplava kompletan izvještaj o svim provedenim mjerama i aktivnostima za vrijeme odbrane od poplava, te konačni izvještaj o štetama na zaštitnim vodnim objektima i vodotocima na poplavnom području za koje je angažovan;</li> </ul> |
| <p>2.5. Poslovi Ministarstva prema članu 27. stav 2. Uredbe</p> | <p>U provođenju mjera aktivne odbrane od poplava iz nadležnosti kantona, Ministarstvo izvršava sljedeće poslove:</p> <ul style="list-style-type: none"> <li>❖ nadzire provođenje i izvršavanje obaveza Općinskih načelnika utvrđenih ovim KOP-om;</li> <li>❖ ukoliko prijeti neposredna opasnost od plavljenja naselja ili ako je do toga već došlo, prosljeđuje prijedlog Kantonalnoj Upravi civilne zaštite, odnosno Kantonalnom štabu civilne</li> </ul>  |

|   |   |
|---|---|
|   | <p>zaštite za uključivanje službi, jedinica, sredstava i opreme civilne zaštite;</p> <ul style="list-style-type: none"> <li>❖ zahtijeva od Agencije za vodno područje rijeke Save Sarajevo redovnu dostavu podataka iz Informacionog sistema voda o vodostajima na rijekama sa vodomjernih stanica iz svoje nadležnosti i o stanju snježnog pokrivača;</li> <li>❖ sa nadležnim federalnim Ministarstvom vrši razmjenu obavještenja i podataka u vezi sa odbranom od poplava</li> </ul>  |
| <p>2.6. Obaveza provođenja mjera zaštite i spašavanje na vodi i pod vodom, prema čl. 36. Uredbe</p>   | <p>Kada nadležni organ kantona ili općine proglasi stanje prirodne i druge nesreće na određenom području, aktiviraju se štabovi civilne zaštite kantona i/ili općine, radi rukovođenja akcijama zaštite i spašavanja ljudi i materijalnih dobara na područjima ugroženim poplavama koji funkcionišu sve dok nadležni organ ne proglasi prestanak stanja prirodne i druge nesreće uzrokovane poplavama. Izuzetno, štabovi civilne zaštite mogu se aktivirati i u slučaju kada prijete neposredna opasnost od poplava po ljude i materijalna dobra. Osim mjera predviđenih ovim KOP-om, na poplavnim područjima provode se i druge potrebne mjere u skladu sa važećim propisima o zaštiti i spašavanju ljudi i materijalnih dobara od prirodnih i drugih nesreća.</p> |
| <p><b>3. Područja uz površinske vode II kategorije na kojima ne postoje zaštitni vodni objekti na kojima se provode mjere aktivne odbrane od poplava i leda</b></p> |   |
| <p>Površinske vode II kategorije na vodnom područje rijeke Save - područje BPK Goražde, prema mapama plavljenja BPK Goražde</p>                                     | <p><b>3.1. Općina Goražde</b></p> <p>3.1.1. <i>Poplavno područje</i> uz Osaničku rijeku: dionica: Ilovača-Jezero plavljena površina iznosi cca 20 ha.</p> <p>3.1.2. <i>Poplavno područje</i> uz Podhranjanski potok, plavljena površina iznosi cca 23 ha. Plavljeni su dijelovi puta Goražde-Podhranjani i objekti uz put u Goraždu</p> <p>3.1.3. <i>Poplavno područje</i> uz potok Biocka, plavljena površina u Dubištu (na dužini od cca 1.0 km), iznosi cca 4,5</p>  |

|  |   |
|--|---|
|  | <p>ha; te površina plavljena v.v. vodama r. Drine u Zupčićima (na dužini od cca 1.0.km)</p> <p>3.1.4. <i>Poplavno područje</i> uz potok Odcka, na dužini od cca 1.5.km, plavljena površina u Bogušićima iznosi cca 5,3 ha</p>   |
|  | <p><b>3.2. Općina Pale –Prača</b></p> <p>3.2.1. <i>Poplavno područje</i> uz rijeku Praču: plavljena površina cca 200 ha, najugroženiji su potezi u Prači, Hrenovici, Kaljanima i Podgrabu</p> <p>3.2.2. Plavljena površina uz rijeku Čemernicu plavljeno je cca 17,6 ha, te</p> <p>3.2.3. plavljena površina uz Turkovića (Četenovište) potok - uspor velikih voda r. Prače</p> <p><b>3.3.Općina Foča-Ustikolina</b></p> <p>3.3.1. <i>Poplavno područje</i> uz rijeku Kolinu: na toku kroz općinu Foča-Ustikolina plavljena površina cca.9,3 ha u zoni Fočanske Jabuke , plavljena površina od cca 9,8 ha.</p> <p>3.3.2. <i>Poplavno područje uz Kosovsku rijeku</i>: ugroženi su i mostovi na lokaciji kasarne Kosova</p> <p>3.3.3. Dio Osaničke rijeke: ugroženi su mostovi</p> |
| <p><b>4. Vodostaji pri kojima na pojedinim područjima počinje redovna, odnosno vanredna odbrana od poplava</b></p> |   |
| <p>Područja uz površinske vode II kategorije</p>   | <p>Vodostaji-kote pri kojima počinje kontinuirano obavješćavanje stanovništva i službi civilne zaštite koji su nadležni za provođenje mjera zaštite i spašavanja ljudi i materijalnih dobara od prirodnih i drugih nesreća (poplava), dati su u tehničkim priložima, odnosno Knjizi 2. KOP-a za svako pojedinačno poplavno područje.</p> <p>Mapa poplavnog područja na vodotocima II kategorije nalazi se u tehničkim priložima , odnosno Knjizi 2. KOP-a, a ista se nalazi i na web stranici Ministarstva</p>  |

|   |   |
|---|---|
|   | <p><b>www.mp.bpkg.gov.ba</b></p> <p>E-mail: <a href="mailto:privreda@bpkg.gov.ba">privreda@bpkg.gov.ba</a></p>  |
| <p><b>5. Mjere koje se moraju preduzeti u vrijeme opasnosti od pojave velikih voda</b></p>  |   |
| <p>Mjere koje se moraju preduzeti u vrijeme opasnosti od pojave velikih voda (pripreme mjere) na područjima uz površinske vode II kategorije prema članu 23. Uredbe</p> | <p>Na ovim područjima, do izgradnje zaštitnih vodnih objekata, preduzimaju se mjere koje imaju za cilj otklanjanje uzroka smanjenja kapaciteta riječnih korita i zaštitu obala od erozije na najugroženijim dionicama. U ove mjere naročito spadaju:</p> <ul style="list-style-type: none"> <li>❖ čišćenje mostovskih otvora od granja i drugog kabastog otpada,</li> <li>❖ uklanjanje naplavina i čišćenje riječnih korita,</li> <li>❖ izvođenje zemljanih i sličnih radova na uređenju i održavanju obala,</li> <li>❖ izgradnja obaloutvrda za zaštitu od erozije na ugroženim dionicama i drugi hitni sanacioni radovi,</li> <li>❖ upoznavanje nadležnih općinskih službi sa mapama plavljenja na kojima su prikazane linije do kojih dopiru poplavne vode, koje su date u tehničkim prilogima ovog KOP-a,</li> <li>❖ upoznavanje lokalnog stanovništva sa mapama iz prethodne alineje čija se imovina nalazi u poplavnoj zoni, te edukacija stanovništva za preduzimanje mjera samozaštite u cilju ublažavanja posljedica poplava (ovu mjeru provodi nadležna općinska služba)</li> </ul> |
| <p><b>6. Mjere i aktivnosti koje se moraju preduzeti u vrijeme trajanja poplava</b></p>   |   |
| <p>Mjere i aktivnosti koje se moraju preduzeti u vrijeme trajanja poplava na područjima uz površinske vode II kategorije prema članu 23. Uredbe</p>                     | <p>Na ovim područjima, zbog nepostojanja zaštitnih vodnih objekata, u vrijeme trajanja poplava provode se mjere i aktivnosti zaštite i spašavanja ljudi i materijalnih dobara od prirodnih i drugih nesreća (poplava). Ove mjere provode strukture civilne zaštite.</p> <p>Za efikasno provođenje ovih mjera neophodno je:</p> <ul style="list-style-type: none"> <li>❖ neprekidno dežurstvo u centrima civilne zaštite</li> </ul>  |

|  |  |
|--|--|
|  | <ul style="list-style-type: none"> <li>❖ redovno praćenje i razmjena informacija o meteorološkim i hidrološkim prilikama, kao i procjena tendencije razvoja poplava u budućnosti,</li> <li>❖ uspostaviti direktnu saradnju sa Informacionim sistemom voda nadležne Agencije za vodno područje rijeke Save, koje u vrijeme trajanja poplava imaju neprekidno dežurstvo radi prikupljanja i prosljeđivanja informacija o vodostajima na pripadajućim vodomjernim stanicama datim u tehničkim prilogima FOP-a (za vode I kategorije, kao recipijenata voda II kategorije) i ovog KOP-a,</li> <li>❖ redovan obilazak i prikupljanje podataka sa područja zahvaćenih poplavama,</li> <li>❖ priprema i izdavanje saopštenja za javnost,</li> <li>❖ direktna saradnja sa nadležnim organima drugih susjednih kantona, kantonalnim organima i institucijama,</li> <li>❖ direktna saradnja sa nadležnim organima drugog entiteta, državnim organima i institucijama susjednih država i</li> <li>❖ druge potrebne mjere zavisno od razvoja situacije na terenu.</li> </ul> |
| <b>7. Mjere i radnje otklanjanja posljedica poplava</b>  |  |
| <p>Mjere i radnje otklanjanja posljedica poplava na područjima uz površinske vode II kategorije prema članu 23. Uredbe</p> | <p>Na ovim područjima preduzimaju se slijedeće mjere i radnje otklanjanja posljedica poplava:</p> <ul style="list-style-type: none"> <li>❖ prikupljanje podataka o štetama nastalim na koritima vodotoka,</li> <li>❖ naknada troškova rada, opreme i materijala fizičkim i pravnim licima koja su učestvovala u odbrani od poplava, po naređenju glavnog rukovodioca odbrane od poplava na vodnom području za koje je nadležan,</li> <li>❖ sanacija posljedica štetnog djelovanja voda (poplava), koja se radi na osnovu Programa sanacije koji donosi Vlada BPK Goražde, a na prijedlog Ministra, u skladu sa odredbama člana 39. st. 1.,2. i 6. Zakona o vodama „Službene novine Bosansko-podrinjskog</li> </ul>   |

|   |  |
|---|--|
|   | kantona Goražde“ broj 6/10   |
| <b>8. Sistem veza, način prikupljanja meteoroloških i hidroloških podataka i način obavještavanja o pojavi poplava i preduzetim mjerama</b>                                     |  |
| 8.1. Način održavanja međusobne veze (komunikacije) između institucija, pravnih i fizičkih lica zaduženih za provođenje mjera aktivne odbrane od poplava prema članu 18. Uredbe | Način održavanja veze i komunikacija između učesnika zaduženih za odbranu od poplava vrši se putem fiksnog telefona, faksa, mobitela i elektronske pošte. Popis institucija, pravnih i fizičkih lica zaduženih za provođenje mjera aktivne odbrane od poplava iz nadležnosti BPK Goražde sa podacima za kontakt dati su u okviru tačke 1. ovog KOP-a.  |
| 8.2. Način prikupljanja i dostavljanja meteoroloških i hidroloških podataka prema članu 37. Uredbe  | Federalni hidrometeorološki zavod vrši opažanje i prikupljanje podataka o vrstama i količini padavina i vodostaja sa vodomjernih stanica koje su u njegovoj nadležnosti i iste dostavlja, u skladu sa odredbama FOP-a, Informacionim sistemima voda u Agenciji za vodno područje rijeke Save<br>Agencija za vodna područja vrše redovna osmatranja i prikupljanja hidroloških podataka (vodostaja) i meteoroloških podataka (sa stanica koje su u njihovoj nadležnosti) u Informacioni sistem voda, a iste omogućuju pristup informacijama kantonalnim odnosno općinskim organima civilne zaštite na čijem području se provode mjere aktivne odbrane od poplava, kao i na zahtjev kantonalnih i općinskih organa uprave nadležnih za vode, u skladu sa članom 106.- pristup informacijama ISV Zakona o vodama („Službene novine FBiH“, broj: 70/06). |
| 8.3. Način obavještavanja o vodostajima, poplavnim događajima, preduzetim mjerama, kao i procjeni tendencije razvoja poplava u budućnosti                                       | Obavještavanje o događajima u vrijeme aktivne odbrane od poplava vrši se putem izdavanja saopštenja i direktnim izjavama ovlaštenih lica za elektronske i printane medije  |
| <b>9. Odbrana od leda</b>   |  |
| 9.1. Kriteriji pri kojima na pojedinim vodotocima počinje odbrana od leda prema članu 18. Uredbe  | Provođenje redovnih i/ili vanrednih mjera odbrane od leda počinje kada se zalede veće površine vodnog ogledala, ili kada se pojavi gomilanje ili pokretanje ledenih masa   |

|  |  |
|--|--|
| 9.2. Fizička i pravna lica zadužena za provođenje mjera odbrane od leda prema članu 39. Uredbe | Glavni rukovodilac odbrane od poplava za (nadležno vodno područje određuje početak provođenja redovnih i/ili vanrednih mjera odbrane od leda na vodotoku ili dijelu vodotoka na područjima iz tačke 3. knjizi 2. KOP-a.                        |
|  | Provođenje mjera redovne i vanredne odbrane od leda vrši pravno lice iz tačke 2.1 KOP-a.   |
| 9.3. Mjere redovne odbrane od leda prema članu 40. Uredbe                                      | Mjere redovne odbrane od leda provode se osmatranjem i registrovanjem pojave leda sa ocjenom procenta pokrivenosti ledom površine vodnog ogledala, debljine leda, visine nagomilanih naslaga leda i drugih podataka bitnih za odbranu od leda. |
| 9.4. Mjere vanredne odbrane od leda prema članu 40. Uredbe                                     | Mjere vanredne odbrane od leda provode se lomljenjem ledenih površina, sprječavanjem zaustavljanja i nagomilavanja ledenih masa u koritu vodotoka, posebno na otvorima mostova i drugih važnih infrastrukturnih objekata.                      |

## 10. Tehnički prilozi

Tehnički prilozi čiji je sadržaj utvrđen odredbama člana 19., člana 22. (stav 4. i 5.) i člana 23. Uredbe su sastavni dio ovog KOP-a i isti se, prema odredbama člana 43. Uredbe, ne objavljuju u Službenim novine Bosansko-podrinjskog kantona Goražde. Tehnički prilozi nalaze se u Ministarstvu i dostupni su na web stranicama Ministarstva:

**[www.mp.bpkg.gov.ba](http://www.mp.bpkg.gov.ba)**

Tehnički prilozi iz prethodnog stava sadrže:

- Podatke o licima iz tačke 1.1.; 1.2. i tačke 1.3. ovog KOP-a, rukovodiocu odbrane od poplava, Glavnim rukovodiocima i zamjenicima za svako poplavno područje uz površinske vode II kategorije, koji su u vlasništvu općina, zaduženim za provođenje mjera aktivne odbrane od poplava i leda;
- Za područja iz tačke 3. ovog KOP-a podatke o vodostajima, odnosno kotama pri kojima se počinju provoditi mjere zaštite i spašavanja ljudi i materijalnih dobara od prirodnih nesreća (poplava)
- Mapa poplavnog područja iz tačke 3. ovog KOP-a na kojima su prikazana plavna područja - vode perioda javljanja 1/100
- Vrste i količine odbrambene opreme potrebne za provođenje mjera aktivne odbrane od poplava po poplavnim područjima/Općinama



- Popis naselja i dijelova naselja koja mogu biti poplavljena velikim vodama perioda javljanja 1/100, po svakom područjima/Općinama iz tačke 3. ovog KOP-a.

## **11. Prijelazne i završne odredbe**

Kantonalni operativni plan odbrane od poplava-KOP BPK Goražde stupa na snagu narednog dana od dana objavljivanja u "Službenim novinama Bosansko-podrinjskog kantona Goražde"

Broj: 04-25-194-11/13  
Dana: 20.05/13. godine  
Goražde

Ministar .....

Demir Imamović